

Iluarsiissut

uunga

**Siunnersuut uunga: SIKUKI Nuuk Harbour A/S aamma Nuummi umiarsualiviliorissaq
pillugit Inatsisartut inatsisaat nr xx, xx.xxxx 2015-imeersoq.
(Naalakkersuisut Siulittaasuat)**

Tunngavilersuut:

Pileraarut eqeersimaartumik ingerlavoq, tassani pileraarut ineriartortualersimalluni - pingaartumik pisumi matumanit, tassani aningaasalersorneqarnissaa inissinniarlugu ingerlarsoruttorfimmi. Pileraarummi kingullerpaamik ineriartornermi taamaattumik paassisutissanik nutaanik takkuttoqarsimavoq, taakkua pisariaqalersippaat inatsisisstatut siunnersuummi saqqummiussiissutitalerlugu allanngortitsisoqartariaqalerneranik. Tamatumma kingunerisaanik inatsisisstatut siunnersuummi § 10, imm. 2, oqaaseqaatitalik peerneqassaaq.

Aalajangersimasunik tulliuttunik uani allanngortitsisoqassaaq:

- I) Inatsisisstatut siunnersuut
- II) Inatsisisstatut siunnersuummut oqaaseqaatit

I. Inatsisisstatut siunnersuummi tulliuttuni allanngortitsisoqassaaq:

1. § 10, imm. 2 atorunnaarsinneqarpoq.

II Inatsisisstatut siunnersuummut oqaaseqaatini tulliuttunik allanngortitsisoqassaaq:

1. § 10, imm. 2-mut oqaaseqaatit, atorunnaarpuit.

Nutaaq

(§ 10 imm. 2 peerneqarpoq)

**Uunga siunnersuut: SIKUKI Nuuk Harbour A/S aamma Nuummi umiarsualiviliorneq
pillugu Inatsisartut inatsisaat nr. xx, xx.xx.2015-imeersoq**

Pilersitsineq aamma siunertaq

§ 1. Naalakkersuisut aktiaatileqatigiiffik 100 mio. koruunit tungaannut aktiaatinik aningaasaateqartoq pilersissavaat.

Imm. 2. Ingerlatseqatigiiffik taaguuteqarpoq SIKUKI Nuuk Harbour A/S. ingerlatseqatigiiffik allanik saniatigut taaguuteqartunik suliffeqarfimmik ingerlatsisinnaavoq.

Imm. 3. Ingerlatseqatigiiffiup aktiaatinit aningaasaatai Naalakkersuisunit atsiorneqassapput aammalu Namminersorlutik Oqartussanit pigineqarlutik. Aktiaatinit aningaasaatit Nuummi umiarsualivik pioreersoq pigisatut aallarniutissatut akiliutigalugu kiisalu 70 mio. koruunit tikillugit aningaasanngorlugit aningaasaatinut aallarniutissatut akiliutigalugit uppernarsarneqassapput.

Imm. 4. Ingerlatseqatigiiffiup siunertaraa niuernermik tunngaveqartumik umiarsualivimmik Nuummi nunami sanaartugartaqartumi taassumunngalu assingusumik suliffeqarfittaqartumik sananissaq, piginnittuunissaq aamma ingerlatsinissaq.

Imm. 5. Tamatuma saniatigut siunertaavoq umiarsualiviup aningaasartuutitigut sunniuteqarluartumik ingerlanneqarnissaa taamaalillunilu Kalaallit Nunaannut, Kalaallit Nunaannit aamma Kalaallit Nunaata iluani sunniuteqarluartumik imaatigut assartuussisarnissap qulakkeerneqarnissaa.

Siulersuisut aamma qullersaqarfik

§ 2. Siulersuisut ataatsimoorlutik nalinginnaasumik inuussutissarsiornikkut aqtsisuunikkullu piginnaaneqartuussapput kiisalu umiarsualivimmik ingerlatsinerup iluani aqtsisuunikkut piginnaaneqassallutik kiisalu imaatigut assartuussinermi allatigullu umiarsuit angallanneranni ilisimasaqassallutik.

Imm. 2. Inuk siulersuisuni ilaasortaasinnaanngilaq pineqartoq:

- 1) Inatsisartuni imaluunniit Naalakkersuisuni ilaasortaaguni.
- 2) Akiliisinnaajunnaartutut imaluunniit akiliisarnerminik unitsitsisimasutut suliarineqaruni imaluunniit suliarineqarnialeruni.
- 3) Iliuuseqarnermini pisuusimaguni, pineqartup siulersuisuni ilaasortaaginnarnissaanik piukkunnarunnaarsitsisumik.

4) Sivisuumik napparsimaneq imaluunniit allatut sanngiillisimaneq pissutigalugu siulersuisuni ilaasortatut sulisinnaajunnaartoq paasineqarpat, imaluunniit erseqqissumik naleqqutinngitsoq paasineqarpat.

5) Akileraartarnermut inatsisinik peqqarniinnerusumik unioqqutitsisimasutut imaluunniit Kalaallit Nunaanni pinerluttulerinermut inatsimmi aningaasaqarnikkut pinerluttuliorneq pillugu aalajangersakkanik unioqqutitsisimasutut eqqartuussaasimaguni.

Imm. 3. Siulersuisuni ilaasortap imm. 2-imi tunngavissarititaasut siulersuisuni ilaasortaanissaminut naammassisimanngippagit, siulersuisuni ilaasortap piaartumik siulersuisut pissutsit pillugit ilisimatissavai aammalu piaartumik siulersuisunit anissalluni.

Imm. 4. Imm. 2 - 3 taamatuttaaq siulersuisunut ilaasortanut sinniisussanut atuupput.

§ 3. Siulersuisunut ilaasortap siulersuisuni ilaasortaanissamut § 2, imm. 2-imi tunngavissarititaasut naammassisimanngippagit imaluunniit siulersuisunut ilaasortaq allatigut siulersuisunit anisariaqalerpat, siulersuisut piffissap qinigaaffiusup sinneranut siulersuisunut sinniisussanik qinersinissaq siunertaralugu immikkut ittumik ataatsimeersuarnissamut aggersaassapput.

§ 4. Pisortatut taamaallaat atorfinitinneqarsinnaavoq siulersuisut piginnaasaasa assinginik ataatsimut isigalugu piginnaasaqartoq, takuuk § 2, imm. 1.

Imm. 2. Inuk § 2, imm. 2, nr. 1-5-imi pineqartunut ilaasoq pisortaasinnaanngilaq.

Sanaartukkat

§ 5. SIKUKI Nuuk Harbour A/S Nuummi umiarsualivissap nutaap pilersaarusrusiorneqarnera sananeqarneralu isumagissavaa. Umiarsualivik nutaaq Umiarsualiviup qeqertaanni sananeqassaaq.

Imm. 2. Umiarsualivik nutaaq talittarfeqartillugu, umiarsualiviup iluani assartuussinermut aqqusineqartillugu aamma usinik uninngasuuteqarnissamut passussinissamullu nunaminertaqartillugu sananeqassaaq. Nuup umiarsualivianut nutaamut nunami sanaartugartaqtumut nunap assinga ilanngussaq 1-itut ilanngunneqarpoq. Nunap assinga ilanngussaq ilitserusuussutaavoq. Annertussusaa, inisisimaffia aamma ilusilersorneqarnera inaarutaasumik pilersaarusrusiorneqarneranut sananeqarneranullu ilaatillugu allanngortinneqarsinnaapput.

§ 6. SIKUKI Nuuk Harbour A/S Nuummi umiarsualivimmi nutaami illuutinik arlalinnik sanaartorsinnaavoq, ilanngullugit quersuaq, sullivik, allaffeqarfiiit illutaat il.il. Illuutit umiarsualiviup ingerlanneqarneranut ilaatillugu attartortinneqarsinnaapput.

§ 7. Naalakkersuisut nuna tamakkerlugu pilersaarusrusiornermi soqutigisanik isumaginninnermut ilaatillugu, Nuummi umiarsualivimmik nutaamik sananermut atatillugu kommunip sanaartorfiguminarsaaneranut aningaasartuutit aammalu akilernissai pillugit isumaqatigiissuteqarsinnaapput.

Imm. 2. Aqqusernit aqqusersuutillu ingerlaarfissaannut nunap assinga ilanngussaq 2-itut

ilanngunneqarpoq. Nunap assinga ilanngussaq ilitsersuussutaavoq. Annertussusaa, inissisimaffia aamma ilusilorsorneqarnera inaarutaasumik pilersarusiorneqarneranut sananeqarneranullu ilaatillugu allanngortinnejarsinnaapput.

§ 8. Naalakkersuisut Nuummi umiarsualivimmik nutaamik nunami sanaartugartaqtumik aamma illuutitaqtumik sananermut aalajangersakkat erseqqinnerusut pilersarusiornermi nuna tamakkerlugu malitassani akuerisinnaavaat.

Imm. 2. Naalakkersuisut aalajangiisinjaapput, pilersarusiornermi nuna tamakkerlugu malitassat, sumiiffiup ilaata Nuummi nutaamik umiarsualivimmik nunami sanaartugartaqtumik illuutitaqtumillu sananermut atorneqarnissaanut sukumiisunik aalajangersagartaqartoq, kommunimut pilersaarutitut inatsisitigut sunniuteqassasut.

Pinngitsaaliissummik taarsiissutitalimmik pigisanik piginnikkunnaarsitsineq

§ 9. Naalakkersuisut pisariaqpat pinngitsaaliissummik taarsiissutitalimmik pigisanik piginnikkunnaarsitsinikkut pigisanik aalaakkaasunik, sanaartornermik inatsimmi matumani pineqartumik piviusunngortitsinissamut pisariaqartunik, piginnilersinnaapput. Pinngitsaaliissummik taarsiissutitalimmik pigisanik piginnikkunnaarsitsineq, pinngitsaaliissummik taarsiissutitalimmik pigisanik piginnikkunnaarsitsisarneq pillugu Inatsisartut inatsisaanni maleruagassat malillugit pissaaq.

Aningasalersuineq

§ 10. SIKUKI Nuuk Harbour A/S Nuummi umiarsualivimmik nutaamik sananissamut pilersarusiornerup sananerullu aammalu umiarsualivimmi illuutinik arlalinnik sananerup, aningaasalersorneqarnissaannut taarsigassarsisinjaavoq.

Ataatsimeersuarnermi ingerlatseqatigiiffiup taarsigassarsinissaakuersissuteqarfingeqassaaq.

Imm. 2. Naalakkersuisut taarsigassarsianut SIKUKI Nuuk Harbour A/S-im
taarsigassarsiarineqartunut, takuuk imm. 1, qularnaveeqqusinnaapput.

§ 11. Allakkiat upternarsaatit, taarsigassarsinermut upternarsaatit, pappialanngortitat aamma upternarsaatit atsiukkut il.il. sanaartornermut inatsimmi matumani pineqartumut atillugu suliarineqartut, pisortanut naqissusiinermut akitsuusiinikkut akileraaruserneqassanngillat.

Inatsisinik toqqaaneq aamma eqqartuussivimmi suliad sumi suliarineqartarnissaat

§ 12. Ingerlatseqatigiiffinnik eqqartuussivimmi suliakkiissuteqarneq, nunani tamalaani isumaqatigiissutit malillugit imaluunniit ingerlatseqatigiiffiup pilersuisuminut imaluunniit kiffartuussissutinut isumaqatigiissutai malillugit allatut pisoqartussaasimanngippat, taamaallaat Kalaallit Nunaanni Eqqartuussivinni siullertut suliarinnittussatut suliakkiissuteqarfingeqarsinnaavoq.

Imm. 2. Ingerlatseqatigiiffiup suliaqarneranut tunngatillugu piumasaqaateqarneq pillugu, ilanngullugit suleqataasunut nunami maani imaluunniit nunani allani angerlarsimaffeqartunut inuinnaat piumasaqaataat, eqqartuussivimmi suliat, nunani tamalaani isumaqatigiissutit malillugit imaluunniit ingerlatseqatigiiffiup pilersuisuminut imaluunniit kiffartuussissutinut isumaqatigiissutai malillugit allatut pisoqartussaasimanngippat, ingerlatseqatigiiffimmit Kalaallit Nunaanni Eqqartuussivinni siullertut suliarinnittussamut, suliakkiissuteqarfingineqarsinnaavoq.

Imm. 3. Imm. 1 aamma 2 malillugit suliat, nunani tamalaani isumaqatigiissutit malillugit allatut pisoqartussaasimanngippat, Kalaallit Nunaanni inatsisit malillugit aalajangiiffingineqassapput.

Atuutilernera

§ 13. Inatsisartut inatsisaat nalunaarutigineqarneratigut atuutilissaaq. Taamaattoq § 11 ulloq 23. december 2013 aallarnerfigalugu atuutileroq.

Namminersorlutik Oqartussat, ulloq uu.qq.uuuu

Kim Kielsen